



Broj: 01/1-45- /23
Bihać, 25.09.2023. godine

ZAPISNIK
sa 8. redovne sjednice Skupštine Unsko-sanskog kantona
održane dana 25.09.2023. godine

8. redovna sjednica Skupštine Unsko-sanskog kantona održana je dana, 25.09.2023. godine (ponedjeljak) s početkom rada u 10,00 sati, u sali za sjednice Skupštine Unsko-sanskog kantona, ulica Alije Đerzeleza broj 2, u Bihaću.

Na sjednici je prisutno 30 zastupnika.

Jasmin Musić, predsjedavajući Skupštine Unsko-sanskog kantona, pozdravio je sve prisutne u sali, te ih upoznao da je Kolegij Skupštine utvrdio dnevni red današnje 8. redovne sjednice Skupštine Unsko-sanskog kantona na osnovu materijala koji su se nalazili u Skupštini, koji je zajedno sa materijalima dostavljan u poslovničkom roku.

U skladu sa odredbama 52. i 53. Poslovnika Skupštine, upoznao je zastupnike da su zaprimljene dvije dopune dnevnog reda i to: „Informacija o pravno – političkom stanju u Općini Velika Kladuša i Deklaracija o Velikoj Kladuši“ koju je uputila Komisija za borbu protiv korupcije, pitanja sigurnosti i nadzora zakonitosti rada i „Prijedlog Odluke o izmjenama Odluke o izboru predsjedavajućeg, zamjenika predsjedavajućeg i članova radnih tijela Skupštine Unsko-sanskog kantona“ koju je uputio Klub Narodnog evropskog saveza, te je pozvao predlagачe da obrazlože predmetne dopune dnevnog reda.

Predsjednik Komisije za borbu protiv korupcije, pitanja sigurnosti i nadzora zakonitosti rada, Jasmin Hušić, obrazložio je dopunu dnevnog reda koja se odnosi na Informaciju o pravno – političkom stanju u Općini Velika Kladuša i Deklaraciju o Velikoj Kladuši.

Ispred Kluba Narodnog evropskog saveza Bosne i Hercegovine, Irma Fatkić, obrazložila je dopune dnevnog reda koja se odnosi na Prijedlog Odluke o izmjenama Odluke o izboru predsjedavajućeg, zamjenika predsjedavajućeg i članova radnih tijela Skupštine Unsko-sanskog kantona.

Jasmin Musić, predsjedavajući Skupštine Unsko-sanskog kantona, otvorio je raspravu po navedenim dopunama dnevnog reda.

Učešće u raspravi o dopunama dnevnog reda uzeli su: Fatka Kulenović, Elvira Abdić Jelenović i Agan Bunić.

Nakon zaključenja rasprave za riječ se javio premijer Unsko-sanskog kantona.

Predsjedavajući Skupštine Unsko-sanskog kantona, Jasmin Musić daje predmetne dopune dnevnog reda na izjašnjanje:

- Prijedlog da se dnevni red dopuni sa tačkom Informacija o pravno – političkom stanju u Općini Velika Kladuša i Deklaracija o Velikoj Kladuši, sa 29 glasova „za“, 1 glasom „protiv“ i 0 glasova „sadržan“ dobio je potrebnu većinu.
- Prijedlog da se dnevni red dopuni sa tačkom Prijedlog Odluke o izmjenama Odluke o izboru predsjedavajućeg, zamjenika predsjedavajućeg i članova radnih tijela Skupštine Unsko-sanskog kantona, nakon pojedinačnog izjašnjanja, sa 17 glasova „za“, 7 glasova „protiv“ i 6 glasova „sadržan“ dobio je potrebnu većinu.

Predsjedavajući Skupštine Unsko-sanskog kantona, Jasmin Musić isčitao je

Dnevni red

1. Zapisnik sa 7. redovne sjednice održane dana 29.08.2023. godine,
2. Poslanička pitanja,
3. Izbor i imenovanja:
 - a) Rang lista kandidata za izbor članova Skupštine JP “Radio-televizija Unsko-sanskog kantona” d.o.o. Bihać sa prijedlogom Odluke o imenovanju članova Skupštine JP “Radio-televizija Unsko-sanskog kantona” d.o.o. Bihać,
 - b) Prijedlog Zaključka i Odluke o formiranju Komisije za izradu Etičkog kodeksa izabраних zvaničnika u Skupštini Unsko-sanskog kantona,
 - c) Prijedlog Odluke o izmjenama Odluke o izboru predsjedavajućeg, zamjenika predsjedavajućeg i članova radnih tijela Skupštine Unsko-sanskog kantona
4. Prijedlog Strategije razvoja sporta Unsko – sanskog kantona za period 2023. – 2027.godine,
5. Nacrt Zakona o izmjenama i dopunama Zakona o unutrašnjim poslovima Unsko-sanskog kantona,
6. Nacrt Zakona o izmjenama i dopunama Zakona o policijskim službenicima Unsko-sanskog kantona,
7. Nacrt Zakona o slobodi mirnog okupljanja,
8. Nacrt Zakona o javnim priredbama Unsko-sanskog kantona,
9. Informacija o pravno – političkom stanju u Općini Velika Kladuša i Deklaracija o Velikoj Kladuši.

RASPRAVA I ODLUČIVANJE PO UTVRĐENOM DNEVNOM REDU

Ad.-1

Zapisnik sa 7. redovne sjednice održane dana 29.08.2023. godine

Bez diskusija, sa 29 glasova »za«, bez glasova »protiv« i bez glasova »suzdržan« Skupština Unsko-sanskog kantona usvojila je Zapisnik sa 7. redovne sjednice održane dana 29.08.2023. godine.

Ad.-2

Poslanička pitanja

Poslanička pitanja postavili su:

Nijaz Kadirić, Jasmin Hušić, Zinajda Hadžić, Azhar Sejarić, Sanil Hasić, Fatka Kulenović, Zikrija Duraković, Emir Dautović, Almin Hopovac, Elvira Abdić Jelenović, Šuhret Fazlić, Mladen Lonić, Azra Tajić, Hajrudin Halilović i Jasmin Musić.

Premijer Unsko-sanskog kantona, Mustafa Ružnić, ponudio je odgovore na poslanička pitanja zastupnika: Nijaza Kadirića, Jasmina Hušića, Azhara Sejarića, Sanila Hasića, Fatke Kulenović, Zikrije Durakovića, Almina Hopovca, Elvire Abdić Jelenović, Šuhreta Fazlića, Mladena Lonića, Azre Tajić i Hajrudina Halilovića

Ministar Ministarstva poljoprivrede, vodoprivrede i šumarstva Unsko-sanskog kantona, Adis Džanić, ponudio je odgovor i pojašnjenje na inicijativu zastupnice Azre Tajić.

Po Poslovniku o radu Skupštine Unsko-sanskog kantona za riječ su se javili zastupnik Hajrudin Halilović i zastupnik Almin Hopovac.

Ad.-3

Izbor i imenovanje:

- a) Rang lista kandidata za izbor članova Skupštine JP "Radio-televizija Unsko-sanskog kantona" d.o.o. Bihać sa prijedlogom Odluke o imenovanju članova Skupštine JP "Radio-televizija Unsko-sanskog kantona" d.o.o. Bihać,
- b) Prijedlog Zaključka i Odluke o formiranju Komisije za izradu Etičkog kodeksa izabраних званиčnika u Skupštini Unsko-sanskog kantona,
- c) Prijedlog Odluke o izmjenama Odluke o izboru predsjedavajućeg, zamjenika predsjedavajućeg i članova radnih tijela Skupštine Unsko-sanskog kantona

Izvjestilac: Agan Bunić, predsjedavajući Komisije za izbor, imenovanja i finansijsko-administrativna pitanja i Ines Delić, zamjenica predsjedavajućeg Skupštine Unsko-sanskog kantona.

Za riječ se javio premijer Unsko-sanskog kantona, Mustafa Ružnić i ministar Ministarstva unutrašnjih poslova Unsko-sanskog kantona, Božidar Živko.

Učešće u diskusiji uzeli su: Agan Bunić, Fatka Kulenović, Emir Dautović, Irma Fatkić, Zikrija Duraković, Almin Hopovac, Hajrudin Halilović, Jasmin Hušić, Jasmin Musić, Asmir Ćufurović, Šuhret Fazlić, Azra Tajić.

Nakon zaključenja rasprave, Skupština Unsko-sanskog kantona, sa 18 glasova »za«, 4 glasa »protiv« i 8 glasova »suzdržan« donosi Odluku o imenovanju članova Skupštine JP "Radio-televizija Unsko-sanskog kantona" d.o.o. Bihać.

Skupština Unsko-sanskog kantona, sa 23 glasa »za«, 3 glasa »protiv« i 4 glasa »suzdržan« donosi Odluku o formiranju Komisije za izradu Etičkog kodeksa izabраних званиčnika u Skupštini Unsko – sanskog kantona i Zaključak kojim se uređuje pitanje koje nije uređeno Poslovníkom Skupštine Unsko – sanskog kantona, a koje se odnosi na formiranje radnog tijela za izradu Etičkog kodeksa izabраних званиčnika i Poslovníka komisije o radu i sprovođenju Etičkog kodeksa izabраних званиčnika u Skupštini Unsko – sanskog kantona.

Skupština Unsko-sanskog kantona, pojedinačnim izjašnјavanјem, sa 16 glasova »za«, 9 glasova »protiv« i 5 glasova »suzdržan« donosi Odluku o izmjenama Odluke o izboru predsjedavajućeg, zamjenika predsjedavajućeg i članova radnih tijela Skupštine Unsko-sanskog kantona.

Jednoglasno je usvojena pauza u trajanju od 14,00 – 15,30 sati.

Ad.-4

Prijedlog Strategije razvoja sporta Unsko – sanskog kantona za period 2023. - 2027. godine

Izvјestilac: Skender Nijaz, predsjednik Komisije za izradu Strategije razvoja sporta Unsko – sanskog kantona za period 2023. – 2027. godine

Ispred radnih tijela: Asmir Ćufurović, predsjedavajući Komisije za budžet, ekonomsku i finansijsku politiku i Jasmin Musić, član Komisije za obrazovanje, nauku, kulturu, sport i mlade.

Učešće u diskusiji uzeli su: Azhar Sejarić, Emir Dautović, Agan Bunić, Hajrudin Halilović, Zikrija Duraković, Fatka Kulenović, Elvira Abdić Jelenović, Azra Tajić.

Nakon zaključenja rasprave, za riječ se javio Skender Nijaz, predsjednik Komisije za izradu Strategije razvoja sporta Unsko – sanskog kantona za period 2023. – 2027. godine i zastupnik Emir Dautović.

Skupština Unsko-sanskog kantona, na prijedlog zastupnika Sejarić Azhara, sa 23 glasa »za«, bez glasova »protiv« i 4 glasa »suzdržan« donosi zaključak kojim se zadužuje Ministarstvo obrazovanja, nauke, kulture i sporta da pripremi izmjene i dopune pedagoških standarda i normativa za osnovno obrazovanje, te da se u istima uvede dodatni čas tjelesnog i zdravstvenog odgoja od prvog do devetog razreda, te da od prvog do četvrtog razreda osnovne škole časove tjelesnog i zdravstvenog odgoja vode i održavaju nastavnici i profesori tjelesnog i zdravstvenog odgoja.

Skupština Unsko-sanskog kantona, na prijedlog zastupnika Bunić Agana, sa 26 glasova »za«, bez glasova »protiv« i 1 glas »suzdržan« donosi zaključak kojim se zadužuju Vlada Unsko-sanskog kantona i Ministarstvo obrazovanja, nauke, kulture i sporta da usaglase i potpišu prijedlog sporazuma između Vlade i lokalnih zajednica o zajedničkoj izgradnji javnih

gradskih, odnosno općinskih bazena. Sporazum bi sadržavao prava i obaveze strana potpisnica kako bi imali jednak, transparentan i efikasan način izgradnje javne sportske infrastrukture. Rok za potpisivanje sporazuma je 3 mjeseca.

Skupština Unsko-sanskog kantona sa 26 glasova »za«, bez glasova »protiv« i 1. glasom »suzdržan« donosi zaključak kojim se Prihvata se Strategija razvoja sporta Unsko – sanskog kantona za period 2023.–2027.godine.

Jasmin Musić, predsjedavajući Skupštine Unsko-sanskog kantona predložio je objedinjenu raspravu po tačkama koje se tiču Ministarstvo unutrašnjih poslova Unsko-sanskog kantona.

Ad.-5. - Nacrt Zakona o izmjenama i dopunama Zakona o unutrašnjim poslovima Unsko-sanskog kantona

Ad.-6. - Nacrt Zakona o izmjenama i dopunama Zakona o policijskim službenicima Unsko-sanskog kantona

Ad.-7. - Nacrt Zakona o slobodi mirnog okupljanja,

Ad.-8. - Nacrt Zakona o javnim priredbama Unsko-sanskog kantona

Izvjestilac: Božidar Živko, ministar Ministarstva unutrašnjih poslova i Arijana Šabić, sekretar Ministarstva unutrašnjih poslova.

Ispred radnih tijela: Sanil Hasić, predsjedavajući Komisije za ustavna, zakonodavno pravna i pitanja evropskih integracija, Jasmin Hušić, predsjedavajući Komisije za borbu protiv korupcije, pitanja sigurnosti i nadzora zakonitosti rada i Aida Pašić, predsjedavajuća Komisije za pravdu, ljudska prava, građanske slobode i jednakopravnost spolova.

Učešće u diskusiji uzeli su: Irma Fatkić, Elvira Abdić Jelenović, Emir Dautović, Hajrudin Halilović, Agan Bunić, Sanil Hasić, Azhar Sejarić, Almin Hopovac, Fatka Kulenović, Hajrudin Halilović, Amir Murić.

Nakon zaključenja rasprave, Božidar Živko, ministar Ministarstva unutrašnjih poslova javio se za riječ.

Skupština Unsko-sanskog kantona sa 21. glasom »za«, 3 glasa »protiv« i 2 glasa »suzdržan« donosi zaključak kojim se prihvata Nacrt Zakona o izmjenama i dopunama Zakona o unutrašnjim poslovima Unsko-sanskog kantona te se zadužuje Ministarstvo unutrašnjih poslova da u roku od 45 dana provede javnu raspravu o nacrtu Zakona o izmjenama i dopunama Zakona o unutrašnjim poslovima Unsko-sanskog kantona.

Sa 21. glasom »za«, 3 glasa »protiv« i 1 glas »suzdržan« donosi zaključak kojim se prihvata Nacrt Zakona o izmjenama i dopunama Zakona o policijskim službenicima Unsko-sanskog kantona te se zadužuje Ministarstvo unutrašnjih poslova da u roku od 45 dana provede javnu raspravu o nacrtu Zakona o izmjenama i dopunama Zakona o policijskim službenicima Unsko-sanskog kantona.

Sa 25 glasova »za«, 1 glas »protiv« i bez glasova »suzdržan« donosi zaključak kojim se prihvata Nacrt Zakona o slobodi mirnog okupljanja te se zadužuje Ministarstvo unutrašnjih poslova da u roku od 45 dana provede javnu raspravu o nacrtu Zakona o slobodi mirnog okupljanja.

Sa 25 glasova »za«, bez glasova »protiv« i »suzdržan« donosi zaključak kojim se prihvata Nacrt Zakona o javnim priredbama Unsko-sanskog kantona te se zadužuje Ministarstvo unutrašnjih poslova da u roku od 45 dana provede javnu raspravu o nacrtu Zakona o javnim priredbama Unsko-sanskog kantona.

Ad.-9.

Informacija o pravno – političkom stanju u Općini Velika Kladuša i Deklaracija o Velikoj Kladuši

Izvjestilac: Jasmin Hušić, ispred Komisije za borbu protiv korupcije, pitanja sigurnosti i nadzora zakonitosti rada i Bisenija Mušedinović, predsjedavajuća Općinskog vijeća Velika Kladuša.

Učešće u diskusiji uzeli su: Elvira Abdić Jelenović, Jasmin Hušić, Mehmed Mahmić, Abid Mulalić, Emir Dautović, Samir Ikanović, Asmir Ćufurović, Hajrudin Halilović.

Nakon zaključenja rasprave, Skupština Unsko-sanskog kantona, na prijedlog zastupnika Hušić Jasmina, sa 20 glasova »za«, bez glasova »protiv« i bez glasova »suzdržan« donosi zaključak kojim se zadužuju Ministarstvo finansija i Ministarstvo pravosuđa i uprave da izvrše upravni i inspekcijski nadzor u Općini Velika Kladuša, te u odnosu na utvrđeno stanje poduzmu odgovarajuće mjere i zaključak kojim se zadužuje Ministarstvo za građenje, prostorno uređenje i zaštitu okoliša da u okviru svojih nadležnosti izvrši upravni nadzor u Općini Velika Kladuša i u skladu sa utvrđenim stanjem poduzme odgovarajuće mjere.

Skupština Unsko-sanskog kantona sa 20 glasova »za«, bez glasova »protiv« i bez glasova »suzdržan« donosi zaključak kojim se prima na znanje Informacija o pravnom političkom stanju u Općini Velika Kladuša te donosi Deklaraciju o Velikoj Kladuši.

S ovim je završena 8. redovna sjednica Skupštine Unsko-sanskog kantona.

Sekretar Skupštine
Unsko – sanskog kantona
Dragana Bajrić, dipl.pravnik

Predsjedavajući Skupštine
Unsko-sanskog kantona
Jasmin Musić, mr. politologije